

XV. þing Félags íslenskra lyflækna

Ísafirði 7.-9. júní

XV. þing Félags íslenskra lyflækna verður haldið á Ísafirði dagana 7.-9. júní. Þingið mun fara fram í húsnæði Menntaskólans en veggspjaldasýning og sýning fyrirtækja í Íþróttahúsi Ísfirðinga sem er steinsnar frá skólahúsnæðinu.

Frjáls erindaflutningur verður í minna mæli en verið hefur og stærri hluti vísindarannsókna kynntur með veggspjöldum. Að auki verða skipulögð fleiri málþing og gestafyrirlestrar. Boðið verður upp á tölvuskjávarpa (windows stýrikerfi) og skyggnuvél við flutning erinda.

Skilafrestur ágrípa rann út 1. apríl.

Vísindanefnd Félags íslenskra lyflækna áskilur sér rétt til þess að hafna innsendum ágrípum og eins að meta hvort kynnt verði með erindi eða veggspjaldi. Þau ágríp sem vísindanefnd Félags íslenskra lyflækna samþykkir verða birt í Fylgiriti Læknablaðs-ins sem kemur út í byrjun júní.

Staðfesting

Þátttakendur munu fá staðfestingu á því að ágríp hafi verið samþykkt og tímasetningu á kynningu.

Verðlaun

Í þinglok verða veitt verðlaun fyrir erindi unglæknis, erindi læknanema og veggspjald.

Veggspjöld

Stærð veggspjalda er 90x120 cm. Höfundar komi með veggspjöld tilbúin til uppsetningar.

Skráning

Þátttakendur eru hvattir til að skrá sig tímanlega, einkum með tilliti til tryggjar gistingar. Framkvæmdastjóri tekur við skráningu, sjá neðst á síðunni.

Þingsetning og þinggögn

Þingið verður sett föstudaginn 7. júní kl. 13.20 og því lýkur sunnudaginn 9. júní kl. 12.30. Afhending þinggagna og greiðsla þáttökugjalda hefst kl. 12.30 á föstudegi.

Þáttökugjald

Þáttökugjald er kr. 11.000, kr. 7.500 fyrir unglækna, læknanemar greiða ekkert. Þáttökugjald greiðist við skráningu á þingstað. Ekki er tekið við greiðslukortum, en hraðbankar eru á staðnum.

Hádegis- og kvöldverðir

Boðið er í léttan hádegisverð á laugardag og til kvöldverðar bæði föstudags- og laugardagskvöld.

Gisting og verð, ein nótt

Staður

	Eins manns	Tveggja manna
Hótel Ísafjörður, með baðherbergi	kr. 9.500	kr. 11.500
Sumarhótelíð, sameiginleg baðherbergi	5.100	7.300
Gamla gistiúsið, sameiginlegt bað	3.200	6.400
Gistiheimili Áslaugar, sameiginlegt bað	5.100	7.300
Einbýlishús í Súðavík, sameiginlegt bað	4.400	6.200

Morgunverður er innifalinn nema í Súðavík. Þangað er um 15 mínútna akstur. Fyrir fjölskyldur verður að öllum líkindum hægt að fá betra verðtilboð í gistingu í Súðavík.

Þöntun á gistingu

Framkvæmdastjóri tekur við þöntunum á gistingu **frá og með 8. apríl**. Þöntun er bindandi. Nauðsynlegt er að panta gistingu sem fyrst þar sem ekki verður hægt að tryggja gistingu ef pantað er eftir 20. maí.

Flug

Flogið er með Flugfélagi Íslands, frá Reykjavík (aukavél) vestur kl. 10:30 á föstudagsmorgni (að auki er áætlun um morgun og kvöld) og suður kl. 13.35 á sunnudegi. Verð kr. 13.830 fram og til baka. Sama verð frá Akureyri fram og til baka. Flugfar pantar hver fyrir sig hjá Vesturferðum, sími: 456 5111, netfang: vesturferdir@vesturferdir.is Taka skal fram að um sé að ræða þátttakendur á þing Félags íslenskra lyflækna.

Framkvæmdastjóri

Birna Þórðardóttir framkvæmdastjóri þingsins veitir nánari upplýsingar og tekur við þöntunum á gistingu. Símar: 862 8031/552 1570, netfang: birna@birna.is

Dagskrá

Föstudagur 7. júní

- 13.20 **Þingsetning**
13.30-15.30 **Frjáls erindi samhliða í tveimur sölum**
- 15.30-16.00 Kaffi & lyfjasýning
- 16.00-16.50 **Gestafyrirlestur:** Lyfjaerfðarannsóknir (pharmacogenomics)
Hákon Hákonarson læknir
- 17.00-18.30 **Frjáls erindi**
17.00-18.30 **Klínískar þerlur – valin sjúkratíffelli**
Fundarstjóri: **Sigurður Guðmundsson** landlæknir
- 19.30 Leiðsögn um Sjóminjasafnið í Neðstakaupstað
Grillveisla í boði Thorarensen Lyf ehf.

Laugardagur 8. júní

- 09.00-10.30 **Málþing: Staða almennra lyflækninga á Íslandi**
Fundarstjóri: **Runólfur Pálsson** læknir
Almennar lyflækningar á Íslandi árið 2002
Sigurður Guðmundsson landlæknir
Hlutverk almennra lyflækninga í frumþjónustu og á sjúkrahúsi
Ófeigur T. Þorgeirsson læknir
Stefnumörkun fyrir almennar lyflækningar
Ari J. Jóhannesson læknir
- 10.30-11.00 Kaffi & lyfjasýning
- 11.00-12.00 **Veggspjaldakynning**, höfundar viðstaddir
- 12.00-12.30 Léttur hádegisverður í Íþróttahúsinu í boði Eli Lilly, útibús á Íslandi
- 13.00 Skemmtiferð fyrir gesti þátttakenda í boði Farmasíu hf.
- 12.30-14.00 **Málþing í minningu Ásbjörns Sigfússonar læknis: Nýlegar uppgötvanir í klínískri ónæmisfræði**
Fundarstjóri: **Sigurður B. Þorsteinsson** læknir
Aging of the immune system, the role of senescence in autoimmune diseases
Jorg J. Goronzy MD, Mayo Clinic, Rochester
Inflammation and immunopathways in acute coronary syndromes
Cornelia M. Weyand MD, Mayo Clinic, Rochester
- 14.00-15.00 **Frjáls erindi samhliða í tveimur sölum**
- 15.00-15.30 Kaffi & lyfjasýning
- 15.30-16.20 **Frjáls erindi samhliða í tveimur sölum**
16.20-17.00 **Frjáls erindi**
16.20-17.00 **Klínískar leiðbeiningar**
Ari J. Jóhannesson læknir
- 17.10-18.00 **Gestafyrirlestur:** Update on the management of gastroesophageal reflux disease
Peter J. Kahrilas MD, Northwestern University, Chicago
- 19.00 Kvöldverður og dansleikur í boði Delta hf.

Sunnudagur 9. júní

- 10.00-11.00 **Veggspjaldakynning**, umræða um valin veggspjöld
- 11.00-12.30 **Málþing: Náttúruylf og fæðubótarefni. Er gagn að þessu?**
Fundarstjóri: **Arnór Víkingsson** læknir
Klínískar rannsóknir á náttúruylfjum. Alþjóðleg þróun og notkun náttúruylfja á Íslandi
Kristín Ingólfssdóttir lyfjafræðingur
Gagn og skaðsemi náttúruylfja og fæðubótarefna. Hvað þurfa læknar að vita?
Magnús Jóhannsson læknir
- 12.30 **Afhending verðlauna**
Þingslit



Norræna taugalækna- þingið



29. maí til 1. júní í Reykjavík

Norrænt þing taugalækna er haldið annað hvert ár á einhverju Norðurlandanna og nú í annað sinn með þátttöku taugahjúkrunarfræðinga. Þingið var síðast haldið á Íslandi árið 1990 og nú er röðin aftur komin að okkur. Ráðstefnan verður í Háskólabíói og er dagskráin fjölbreytt.

Fjallað verður um helstu viðfangsefni taugalækninga með áherslu á MS, slag (heilaslag), lífsgæði sjúklinga með taugasjúkdóma auk umræðna um framtíð taugalækninga- og hjúkrunar á Norðurlöndum.

Meðal fyrirlesara má nefna Guðmund Georgsson, Guðmund Þorgeirsson, Hannes Blöndal, Ian McDonald, Jes Olesen, John Benedikz, Jón Snædal, Judi Johnson, Marit Kirkevold og Vladimir Hachinski.

Nánari upplýsingar um þingið er að finna á heimasíðunni www.neurocongress.hi.is eða hjá Congress Reykjavík, www.congress@congress.is, sími 585 3900.

Emergency Medicine Between Continents

Alþjóðlegt þing á vegum Félags íslenskra bráðalækna, Landspítala háskólasjúkrahúss og Læknadeildar Háskóla Íslands verður haldið í Háskólabíói dagana 9.-13. júní 2002.

Á þinginu verður fjallað meðal annars um bráð öndunarvandamál hjá börnum og fullorðnum og meðferð þeirra, fyrstu meðferð slasaðra, áverka á heila og mænu, lost, brjóstverki og hjartsláttartruflanir. Einnig verða fyrirlestrar um eiturefnafræði, sýkingar í börnum, heimilisofbeldi og misnotkun barna.

Verkleg kennsla verður meðal annars í meðferð áverka á hendur, úrlestri hjartalínurita og meðferð öndunarvegjar.

Fyrirlesarar koma allir úr fremstu röð lækna bæði vestanhafs og austan.

Sjá nánari upplýsingar á heimasíðu: <http://www2.landspitali.is/congress/emergency2002/>

Verð fyrir íslenska sérfræðilækna er kr 39.000 fyrir allt þingið eða kr. 15.000 fyrir einstaka daga, fyrir unglækna og aðrar heilbrigðisstéttir kr. 29.000 allt þingið eða kr. 12.000 á dag og fyrir læknanema kr. 5.000 eða kr. 2.000 á dag.

Taka þarf fram í athugasemdum við skráningu hvort um er að ræða íslenska lækna eða aðra heilbrigðisstarfsmenn. Nánari upplýsingar veita **Brynjólfur Mogensen**, **Mary Palmer** og **Theodór Friðriksson**, slysa- og bráðasviði Landspítala Fossvogi, s. 543-1000, eða **Inga Sólnes**, Gestamóttökunni, s. 551-1730.

Vísindasjóður Félags íslenskra heimilislækna

Umsóknir um vísindastyrki fyrir vorúthlutun 2002 þurfa að berast sjóðnum fyrir 10. maí og á að stíla á undirritaðan. Umsóknum ber að skila á þar til gerðum eyðublöðum ásamt rannsóknar- og fjárhagsáætlunum. Hægt er að sækja eyðublöðin og sjá lög Vísindasjóðsins á heimasíðu FÍH: www.heimilislaknar.is

Fyrir hönd stjórnar Vísindasjóðs FÍH

Þórir B. Kolbeinsson formaður

Þrúðvangi 22, 850 Hellu, thorbk@vortex.is

Ráðstefna SKÍ

Krabbameinsrannsóknir á Íslandi

Samtök um krabbameinsrannsóknir á Íslandi (SKÍ) í samvinnu við fræðslunefnd læknaáðs LSH boða til ráðstefnu í sal Krabbameinsfélagsins að Skógarhlíð 8, 4. hæð, dagana 7.-8. maí, kl. 13:30-18:00.

Efni ráðstefnunnar er tvíþætt: krabbameinsrannsóknir og persónuvernd. Framsöguerindi halda prófessor Julian Peto, faraldsfræðingur við Institute of Cancer Research, Sutton Surrey, dr. Haraldur Briem frá Persónuvernd, dr. Kristleifur Kristjánsson frá Íslenski erfðagreiningu og dr. Nick Short frá Urði Verðandi Skuld. Auk þess verður kynnt innsent efni með erindum og veggspjöldum.

Ráðstefnan er opin öllum áhugamönnum um krabbameinsrannsóknir.

Þátttökutilkynningar þurfa að berast fyrir 8. apríl næstkomandi.

Ágrip erinda og veggspjalda óskast send til Samtaka um krabbameinsrannsóknir á Íslandi (SKÍ),
c/o sirryv@mmedia.is eða laufeyt@krabb.is

Námskeið í stoðkerfisfræði að Reykjalundi dagana 31. maí til 2. júní

ÚTLIMIR (Olnbogi, framhandleggur og hönd. Hné, fótleggur og fótur)

Fjórða og síðasta námskeiðið í stoðkerfisfræði verður haldið að Reykjalundi 31. maí-2. júní næstkomandi. Aðalkennari verður sem fyrr Bernt Ersson læknir frá Gävle. Farið verður í lífeðlisfræði og biomekanik, en aðaláhersla lögð á meðferð. Megináhersla er á neðri útlimi, einkum fætur, hreyfimyntur og göngugreiningu (gång-analys). Þá verður þriðja deginum sérstaklega varið í að skoða vandamál sem ef til vill er hægt að lagfæra með réttum (ekki sérsníðuðum!) skóbúnaði. Einnig verður fjallað um prófun og val á skóm.

Námskeiðið er ætlað læknum og sjúkraþjálfurum en sem fyrr verður fjöldi þátttakenda takmarkaður.

Upplýsingar og skráning á námskeiðið er hjá Magnúsi Ólasyni lækni á Reykjalundi, s. 566 6200, magnuso@reykjalundur.is og Óskari Reykdalssyni lækni á Heilbrigðisstofnun Suðurlands á Selfossi, s. 482 1300.